

全上古三代秦漢三國六朝文

全三國文卷四

烏程嚴可均校輯

魏四

文帝

帝諱丕，字子桓，武帝長子。建安十六年，爲五官中郎將。二十二年，立爲魏太子。二十五年正月，嗣魏王位，改建安爲延康。十一月受禪，改元黃初。在位七年，諡曰文皇帝。廟號高祖。有典論五卷，列異傳三卷，集二十三卷。

愁霖賦

脂余車而秣馬，將言旋乎鄴都。玄雲黯

文選潘岳篇賦注作默

其四塞，雨蒙

濛而襲子，塗漸如呂沈滯。潦淫衍而橫滿，豈在余之憚勞。哀行旅之艱難，仰皇天而歎息。悲白日之不暘，思若木已照路。假龍燭之

末光。魏文類

喜霽賦

乃命駕而言歸、啟吉日而北巡、厭羣萌之至願、感上下之明神、密雲興之埃扎、甘雨降曰灑塵、既灑塵而爲塗、惟平路之未晡、激清風曰漂潦、發皎日之揚暉、振余策而長驅、忽臨食而忘飢、思寄身于鴻鸞、舉六翮而輕飛、

按文類聚文選陸機爲顧彥先贈婦詩注石崇王明君辭注

濟川賦

臨濟川之魯淮、覽洪波之容裔、溟騰揚曰相簿、激長風而亟逝、湯浩汗而難測、眇不覩其限際、于是龜龍神嬉、鴻鸞羣翔、鱗介霍駭、載止載行、俯喙菁藻、仰飡若芳、水號長吟、延首相望、美玉昭晰、日曜輝明、珠灼灼而流光、于是遊覽既厭、日亦西傾、朱旗電曜、擊鼓雷鳴、長驅風厲、悠爾北征、思魏都曰假息、託華屋而遨遊、酌玄清于金罍、騰羽觴曰獻酬、

並文類聚八

臨澗賦

并序

上建安十八年至譙，余兄弟從上拜墳墓，遂乘馬遊觀，經東園，遊
渦水，相伴乎高樹之下，駐馬書鞭，爲臨渦之賦曰：

二御覽三百五十九，五百八十七。

陸高樹兮臨曲渦，微風起兮水增波。魚頰頰兮鳥逶迤，雌雄鳴兮
聲相和。萍藻生兮散莖柯，春水繁兮發丹華。

滄海賦

魏文類聚八

美百川之獨宗，壯滄海之威神。經扶桑而遐逝，跨天崖而託身。驚
濤暴駭，騰踊澎湃，壑訇隱鄰，涌沸凌邁。于是鼉鼉漸離，泛濫淫遊，
鴻鸞孔鳩，哀鳴相求。揚鱗濯翼，載沈載浮。仰嘜芳芝，俛漱清流。巨
魚橫奔，厥勢吞舟。爾乃釣大貝，採明珠，奉懸黎，收武夫，窺大麓之
潛林，觀搖木之羅生。上塞產呂，交錯下來。風之泠泠，振綠葉以葳
蕤，吐芬葩而揚榮。

魏文類聚八

述征賦

建安之十三年，荆楚傲而弗臣，命元司呂簡旅，予願奮武乎南鄴。
伐靈鼓之赫隱兮，建長旗之飄颻。躍甲卒之皓旰，馳萬騎之瀏瀏。
揚凱梯之豐惠兮，仰乾威之靈武。伊皇衢之遐通兮，維天綱之畢
舉。經南野之舊都，聊弭節而容與。遵往初之舊迹，順歸風呂長邁。
鎮江漢之遺民，靜南畿之遐裔。菟文類聚五十九

羨西門之嘉迹，忽遙睇其靈宇。水經附漳水注

浮淮賦 并序 案書鈔御覽作游淮賦

建安十四年，王師自譙東征，大興水軍，泛舟萬艘。時余從行，始入
淮口，行泊東山，觀師徒，觀旌帆，赫哉盛矣。雖孝武盛唐之狩，舳艫
千里，殆不過也。乃作斯賦云。

沂淮水而南邁兮，泛洪濤之滄波。仰崑岡之崇阻兮，經東山之曲
阿。浮飛舟之萬艘兮，建干將之錯戈。揚雲旗之纒紛兮，聆榜人之
謠譁。乃撞金鐘，爰伐雷鼓。白旄沖天，黃鉞扞扞。武將奮發，驍騎赫

怒于是驚風泛、浦波駭、眾帆張、羣櫂起、爭先遂進、莫適相待、北堂書
一百二十七、魏文類聚八、初學記六、御覽七百七十

腹盈賦

并序

避賢東閣、延賓高會、酒酣樂作、悵然懷盈滿之戒、乃作斯賦、

惟應龍之將舉、飛雲降而下征、資物類之相感、信貫徹之通靈、何今日之延賓、君子紛其集庭、信臨高而增懼、獨處滿而懷愁、願羣士之箴規、博納我呂良謀、魏文類聚二十二

離居賦

惟離居之可悲、塊獨處于空牀、愁耿耿而不寐、歷終夜之悠長、驚風厲于閨闈、忽增激于中房、動唯裳之曖曖、對明燭而無光、魏文類聚

三十初學記十八

感離賦

并序

建安十六年、上西征、余居守、老母諸弟皆從、不勝思慕、乃作賦曰、

伏風動今天氣涼居常不快今中心傷出北園今彷徨望眾慕今
成行柯條憊今無色綠草變今萎黃脫微霜今零落隨風雨今飛
揚日薄暮今無慘思不寢今愈多招延佇今良久忽踟躕今忘家
藝文類聚三十

永思賦

仰北辰而永思，派悲風以增傷。哀遐路之漫漫，痛長河之無梁。願
託乘于浮雲，嗟逝速之難當。藝文類聚三十

出婦賦

念在昔之恩，妖佞比翼之相親。惟方今之疏絕，若驚風之吹塵。夫
色衰而愛絕，信古今其有之。傷莞獨之無恃，恨眉嗣之不滋。甘沒
身而同穴，終百年之常期。信無子而應出，自典禮之常度。悲谷風
之不答，怨昔人之忽故。被入門之初服，出登車而就路。遵長塗而
南邁，馬踟躕而迴顧。野鳥翩而高飛，槍哀鳴而相慕。撫驂服而泥

節節臨沂之舊城、踐麋鹿之曲蹊、聽百鳥之羣鳴、情悵恨而顧望、

心鬱結其不平、

故文類聚三十

悼天賦

并序

族弟文仲亡時年十一、母氏傷其天逝、追悼無已、予曰宗族之愛、乃作斯賦、

氣紆結、曰填胸、不知涕之縱橫、時徘徊于舊處、視靈衣之在牀、感遺物之如故、痛爾身之獨亡、愁端坐而無聊、心慙慙而不寧、步廣廈而踟躕、覽萱草于中庭、悲風蕭其夜起、秋氣憖曰厲情、仰瞻天而太息、聞別鳥之哀鳴、

故文類聚三十四

寡婦賦

并序

陳留阮元瑜與余有舊、薄命早亡、每感存其遺孤、未嘗不愴然傷心、故作斯賦、曰敘其妻子悲苦之情、命王粲竝作之、

蘇文類聚三十四文選潘

岳寡婦賦注

惟生民兮艱危，在孤寡兮常悲。人皆處兮歡樂，我獨怨兮無依。撫遺孤兮太息，俛哀傷兮告誰。三辰周兮遞照，寒暑運兮代臻。歷夏日兮苦長，涉秋夜兮漫漫。微霜隕兮集庭，燕雀飛兮我前。去秋兮既冬，改節兮時寒。水凝兮成冰，雪落兮翻翻。傷薄命兮寡獨，內惆悵兮自憐。魏文類聚三十四

感物賦

并序

喪亂已來，天下城郭丘墟。惟從太僕君宅尚在，南征荊州，還過鄉里，舍焉乃種。諸蔗于中庭，涉夏歷秋，先盛後衰，悟興廢之無常，慨然永歎，乃作斯賦。

伊陽春之散節，悟乾坤之交靈。瞻玄雲之芬鬱，仰沈陰之杳冥。降甘雨之豐濡，垂長溜之泠泠。堀中堂而爲圃，植諸蔗于前庭。涉炎夏而既盛，迄凜秋而將衰。豈在斯之獨然，信人物其有之。魏文類聚三十四

四

哀已賦

蒙君子之博愛垂追望之渥思

文選陸雲爲顧彥先贈婦詩注

登臺賦

并序

建安十七年春口遊西園登銅雀臺命余兄弟竝作其詞曰

登高臺曰聘望好靈雀之麗爛飛閣崛其特起層樓儼曰承天步

道遙曰容與聊遊目于西山溪谷紆曰交錯草木鬱其相連風飄

飄而吹衣鳥飛鳴而過前申躊躇曰周覽臨城隅之通川

魏文類

登城賦

孟春之月惟歲權輿和風初暘有穆其舒駕言東邁陟彼城隅道

遙遠望乃欣曰娛平原博敞中田闢除嘉麥被壟緣路帶衢流莖

散葉列倚相扶水幡幡曰長流魚裔裔而東馳風颯颯而旣臻日

掩襲而西移望舊館而言旋永優游而無爲

魏文類卷六十三
初學記二十四

校獵賦

高宗征于鬼方兮，黃帝有事于阪泉。愠賊備之作戾兮，忿吳夷之

不藩。將訓兵于講武兮，因大蒐乎田隙。

初學記
二十二

披高門而方軌，邁夷塗而直駕。

同上

長鍬亂霓，飛旗拂天。部曲按列，什伍相連。時如叢林，動若崩山。抗

沖天之素旄兮，靡格澤之修旗。雄戟橫而躍厲兮，黃鉞扞而揚鮮。

超崇岸之曾崖，厲漳滏之雙川。千乘亂擾，萬騎奔走。經營原隰，騰

越峻阻。彤弓斯發，戈鋌具舉。列翠星陳，戎車方撥。風迴雲轉，埃連

颯厲。雷響震天地，謀聲蕩川岳。遂躡封豨，藉塵鹿。捎飛鷲，接鷺鷥。

聚者成丘陵，散者闡溪谷。流血赫其丹野，羽毛紛其翳目。考功効

績，班賜有敘。授受甘魚，飛酌清醕。割鮮野烹，舉爵鳴鼓。鑿輿促節，

聘轡迴翔。望爵臺而增舉，涉幽壑之花梁。

藝文類聚大十六御覽
三百三十九引兩條

立路寢而聽政，總羣司之紀綱。消搖後庭，休息閑房。步輦西園，還

生玉堂

初學記二十四

蔡伯喈女賦序

家公與蔡伯喈有管鮑之好，乃命使者周近持玄璧于匈奴，贖其女還。曰：妻屯田都尉使者。御覽八百六

玉璫賦

有昆山之妙璞，產曾城之峻崖。嗽丹水之炎波，陰瑤樹之玄枝。包黃中之純氣，抱虛靜而無爲。應九德之淑懿，體五材之表儀。藝文類聚

六十七

彈碁賦

惟彈碁之嘉巧，逸超絕其無儔。苞上智之弘略，允貫微而洞幽。局則荆山妙璞，發藻揚暉。豐腹高隆，庫根四積。平如砥礪，滑若柔篔。碁則玄木北幹，素樹西枝。洪纖若一，修短無差。象籌列植，一據雙螭。滑石霧散，雲布四垂。然後直叩先縱，二八次舉。緣邊間造，長邪

全三國文卷四

魏文帝

六

迭取爾乃詳觀夫變化之理屈伸之形聯翩霍繹展轉盤縈或暇
豫安存或窮困側傾或接黨連興或孤據偏停于時觀者莫不虛
心竦踊咸側息而延佇或雷抃曰大噓或戰悸而不能語

魏文帝
賦七上

文石爲局金碧齊精隆中夷外理緻夷平

御覽七百
五十五

迷迭賦并序

余種迷迭于中庭嘉其揚條吐香馥有令芳乃爲之賦曰

坐中堂曰遊觀兮覽芳草之樹庭重妙葉于纖枝兮揚修幹而結
莖承露露曰潤根兮嘉日月而敷榮隨迴風曰搖動兮吐芳氣之
穆清薄六夷之穢俗兮越萬里而來征豈遐卉之足方兮信希世
而特生

甄文類聚八十一
御覽九百八十二

瑪瑙勒賦并序

瑪瑙玉屬也出自西域文理交錯有似馬腦故其方人因曰名之

或曰繫頸、或曰飾勒。余有斯歎，美而賦之。命陳琳、王粲、竝作其詞曰。

有奇章之珍物，寄中山之崇岡。稟金德之靈施，含白虎之華章。扇朔方之玄氣，喜南離之焱陽。歛中區之黃采，曜東夏之純蒼。苞五色之明麗，配皎日之流光。命夫良工，是剖是鐫。追形逐好，從宜索便。乃加砥礪，刻方爲圓。沈光內炤，浮景外鮮。繁文縟藻，交采接連。奇章口口，的礫其間。嘉鏤錫之盛美，感戎馬之首飾。圖茲物之攸宜，信君子之所服。爾乃藉彼朱芻，華勒用成。駢居列跣，煥若羅星。

北堂書鈔一百二十六卷文類聚八十四御覽三百五十八八百八

車渠碗賦

并序

車渠，玉屬也。多織理，縟文生于西國。其俗寶之。小曰繫頸，大曰爲器。

惟二儀之普育，何萬物之殊形。料珍怪之止美，無茲碗之獨靈。苞

華文之光麗發符采而揚榮理交錯且連屬侶將離而復并或若朝雲浮高山忽侶飛鳥厲蒼天夫其方者如矩圓者如規稠希不謬洪纖有宜

藝文類聚八十
四御覽八百八

槐賦

并序

文昌殿中槐樹盛暑之時余數遊其下美而賦之王粲直登賢門小閣外亦有槐樹乃就使賦焉

有大邦之美樹惟令質之可嘉託靈根于豐壤被日月之光華周長廊而開趾夾通門而駢羅承文昌之邃宇望迎風之曲阿修幹紛其灌錯綠葉萋而重陰上幽藹而雲覆下莖立而擢心伊暮春之既替卽首夏之初期鴻雁遊而送節凱風翔而迎暉天清和而溫潤氣恬淡己安治違隆暑而適體誰謂此之不已

藝文類聚
八十八

柳賦

并序

昔建安五年上與袁紹戰于官渡是時余始植斯柳自彼迄今十

有五載矣。左右僕御已多亡。感物傷懷。乃作斯賦曰。

伊中域之偉木兮。瑰姿妙其可珍。稟靈祇之篤施兮。與造化乎相
因。四氣邁而代運兮。去冬節而涉春。彼庶卉之未動兮。固戰萌而
先辰。盛德遷而南移兮。星鳥正而司分。應隆時而繁育兮。揚翠葉
之青純。修餘偃蹇。已虹指兮。柔條阿那。而蛇伸。上扶疏而宇散兮。
下交錯而龍鱗。在余年之二七。植斯柳乎中庭。始圍寸而高尺。今
連拱而九成。嗟日月之逝邁。忽豐登已過征。昔周遊而處此。今倏
忽而弗形。感遺物而懷故。俛惆悵。已傷情。于是曜靈次乎鶉首兮。
景風扇而增煖。豐弘陰而博覆兮。躬澄涕而弗倦。四馬望而傾蓋
兮。行旅仰而迴瞻。秉至德而不伐兮。豈簡卑而擇賤。含精靈而奇
生兮。保休體之豐衍。惟尺斷而能植兮。信永貞而可羨。藝文類聚
八十九文

選石崇王明君辭注初學記
二十八御覽九百五十七

鶯賦

并序

堂前有籠鶯晨夜哀鳴，悽若有懷，憐而賦之曰：

怨羅人之我困，痛密網而在身。願窮悲而無告，知時命之將泯。升華堂而進御，奉明后之威神。唯今日之僥倖，得去死而就生。託幽

籠已，栖息厲清風而哀鳴。

疏文類聚九十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷五

烏程嚴可均校輯

魏五

文帝二

制復于禁等官

昔荀林父敗績于邲，孟明喪師于殽，秦晉不替，使復其位。其後晉獲狄上，秦霸西戎，區區小國，猶尚若斯，而況萬乘乎？樊城之敗，水災暴至，非戰之咎，其復禁等官。魏志于禁傳注引魏書

詔議追崇始祖

前奏曰：朝車迎中常侍大長秋，特進君侯神主，然君侯不宜，但依故爵，乘朝車也。禮有尊親之義，爲可依諸王比更議。通典七十二文帝卽王位

尙書令桓階等奏云云下詔

任城王彰增邑詔 延康元年

先王之道庸勳親親竝建母弟開國承家故能藩屏大宗禦侮厭難彰前受命北伐清定朔土厥功茂焉增邑五千并前萬戶

魏志任城

威王傳

封朱靈爲鄒侯詔

延康元年

將軍佐命先帝典兵歷年威過方邵功踰絳灌圖籍所美何已加焉朕受天命帝有海內元功之將社稷之臣皆朕所與同福同慶傳之無窮者也今封鄒侯富貴不歸故鄉如夜行衣繡若平常所志願勿難言

魏志徐晃傳注引魏書

報何夔乞遜位詔

延康元年

蓋禮賢親舊帝王之常務也君親則君有輔弼之勳焉君賢則君有醇固之茂焉夫有陰德者必有陽報今君疾雖未瘳神明聽之矣君其卽安君順朕意

魏志何夔傳

詔官李通子基緒

延康元年

昔袁紹之難、自許蔡曰南人懷異心、通秉義不顧、使攜貳率服、朕甚嘉之、不幸早薨、子基雖已襲爵、未足酬其庸勲、基兄緒前屯樊城、又有功、世篤其勞、曰基爲奉義中郎將、緒平虜中郎將、曰寵異

馬、魏志李通傳

詔張既爲涼州刺史

昔賈復請擊郿賊、光武笑曰、執金吾擊郿、吾復何憂、卿謀略過人、今則其時、曰便宜從事、勿復先請、魏志張既傳

出蔣濟爲東中郎將、不聽、請畱詔

高祖歌曰、安得猛士守四方、天下未寧、要須良臣、曰鎮邊境、如其

無事、乃還、鳴玉末爲後也、魏志蔣濟傳

止臨菑侯植求祭先王詔

得月二十八日、表知侯推情、欲祭先王于河上、覽省上下、悲傷感切、將欲遣禮、曰紆侯敬恭之意、會博士鹿優等奏禮如此、故爲曰

示開國承家顧迫禮制推侯存心與吾同之御覽五百二十六

詔褒張既擊胡延康元年

鄧踰河歷險曰勞擊逸曰寡勝眾功過南仲踰踰吉甫此勳非但

破胡乃永寧河右使吾長無西顧之念矣魏志張既傳

制詔三公改元大赦延康元年十一月辛未

上古之始有君也必崇恩化曰美風俗然百姓順教而刑辟厝焉

今朕承帝王之緒其曰延康元年爲黃初元年議改正朔易服色

殊徽號同律度量承土行大赦天下自殊死曰下諸不當得赦皆

赦除之魏志文帝紀注引獻帝傳

答桓階等奏改服色詔黃初元年

服色如所奏其餘宜如虞承唐但臘日用丑耳此亦聖人之制也

宋書禮志一

定服色詔黃初元年

孔子稱行夏之時，乘殷之輅，服周之冕，樂則韶舞。此聖人集羣代之美事，爲後王制法也。傳曰：夏數爲得天，朕承唐虞之美，至于正朔，當依虞夏故事。若殊徽號，異器械，制禮樂，易服色，用牲幣，自當隨土德之數。每四時之季月，服黃十八日，臘己丑，牲用白，其飾節旄，自當赤，但節幡黃耳。其餘郊祀天地，朝會四時之服，宜如漢制。宗廟所服，一如周禮。宋書禮志一

改雒爲洛詔

漢火行也，火忌水，故洛去水而加雒。魏于行次爲土，土水之牡也。水得土而流，土得水而柔，故除雒加水，變雒爲洛。御覽十七引魏略，得府元龜四

詔征南將軍夏侯尚

卿腹心重將，特當任使，恩施足死，惠愛可懷，作威作福，殺人活人。

魏志蔣濟傳又見御覽五百九十三

春分拜日詔

觀禮天子拜日東門之外反禮方明朝事議曰天子冕而執鎮圭率諸侯朝日于東郊曰此言之蓋諸侯朝天子祀方明因率朝日也漢改周法羣公無四朝之事故不復朝于東郊得禮之變矣然旦夕常于殿下東向拜日其禮太煩晉志宋志作頗寡俗家人采周春分之禮損漢日拜之儀又無諸侯之事無所出東郊今正殿卽亦朝會行禮之庭也宜常曰春分于正殿之庭拜日其夕月文不分明其議奏南齊書禮志上永元元年何休之議引又略見晉書禮志上宋書禮志一通典四十四曰張登爲大官令詔

登忠義彰著在職功勤名位雖卑直亮宜顯饗膳近任當得此屯今曰登爲太官令

魏志王粲傳注書鈔五十五並引王朗集又見御覽二百二十九

下詔賜華歆衣

黃初元年

司徒國之雋老所與和陰陽理庶事也今太官重膳而司徒蔬食甚無謂也特賜御衣及爲其妻子男女皆作衣服

魏志華歆傳

賜桓階詔

昔子文清儉，朝不謀夕，而有脯糧之秩，宣子守約，簞食魚飧，而有

光下脫光

加粱之賜，況光大魏，富有四海，棟宇之大臣，而有蔬食，非吾所曰

禮賢之意也。其賜射鹿師二人，竝給媒。御覽二百六十二引桓階別傳又引本注齊人謂麋

媒爲

荅邯鄲淳上受命述詔

淳作此甚典雅，私亦美曰。案當有誤朕何曰堪也哉。其賜帛四十疋。御覽

八百十八

復潁川一年田租詔。黃初二年正月壬午

潁川先帝所由起兵征伐也。官渡之役，四方瓦解，遠近願望，而此

郡守義丁壯荷戈，老弱負糧，昔漢祖曰：秦中爲國本。光武恃河內

爲王基，今朕復于此登壇受禪，天曰：此郡翼成大魏。魏志文帝紀注引魏書

曰：孔羨爲宗，聖侯置吏，修廟詔。黃初二年正月壬午

昔仲尼委大聖之才，懷帝王之器，當衰周之末，而無受命之運，在乎魯衛之朝，教化乎汶泗之上，栖栖焉，皇皇焉，欲屈己以存道，貶身以救世。于時王公終莫能用，乃退攷五代之禮，修素王之事，因魯史而制春秋，就太師而正雅頌，俾千載之後，莫不采其文，曰述作，仰其聖，曰成謀咨，可謂命世之大聖。億載之師表者，已遭天下大亂，百祀墮壞，舊居之廟，毀而不修，衰成之後，絕而莫繼，闕里不聞講頌之聲，四時不覩蒸嘗之位，斯豈所謂崇化報功，盛德百世必祀者哉！其曰議郎孔羨爲宗聖侯，邑百戶，奉孔子祀，令魯郡修起舊廟，置百石吏卒，曰守衛之，又于其外廣爲屋宇，曰居學者。

文帝紀又見宋書禮志四

案陳思王所撰碑文有此語，與此小異，其曰議郎止有嗟乎朕甚閔焉二句。

爲漢帝置守冢詔

朕承符運，受終革命，其敬事山陽公，如舜之宗堯，有始有卒，傳之無窮。前羣司奏處正朔，欲使一皆從魏制，意所不安。其令山陽公

漢下脫中
帝下脫置

于其國正朔服色祭祀禮樂自如漢又爲武昭宣明帝守冢各三
百家

御覽五百六十一

日食勿劾太尉詔

黃初二年六月晦

災異之作曰譴元首而歸過股肱豈禹湯罪己之義乎其令百官
各虔厥職後有天地之眚勿復劾三公

魏志文帝紀晉天文志二
藝文類聚四十六引齊職

贈諡鄧哀侯詔

惟黃初二年八月丙午皇帝曰咨爾鄧哀侯沖昔皇天鍾美于爾
躬俾聰哲之才成于弱年當永享顯祚克成厥終如何不祿早世
天昏朕承天序享有四海竝建親親已藩王室惟爾不逮斯榮且
葬禮未備追悼之懷愴然攸傷今遷葬于高陵使使持節兼謁者
僕射郎中陳承追賜號曰鄧公祠曰大牢魂而有靈休茲寵榮嗚
呼哀哉

魏志鄧哀王沖
傳注引魏書

與于禁詔

昔漢高祖脫衣曰衣韓信、光武解綬曰帶李忠、誠皆人主當時貴敬功勞、効心之至也。今賜將軍曰魏王時自所佩朱戟、及遠游冠、御覽六百八十五又六百九十一

平準詔

今與孫臯騎和通商、旅當日月而至、而百賈偷利、喜賤其物、平價又與其相、故官逆爲平準耳、官豈少此物輩耶、御覽八百十七

賜故太尉楊彪几杖詔 黃初二年十月己亥

夫先王制几杖之賜、所曰賓禮黃耆、褒崇元老也。昔孔光、卓茂、皆曰淑德高年、受茲嘉賜、公故漢宰臣、乃祖已來、世著名節、年過七十、行不踰矩、可謂老成人矣。所宜寵異、曰章舊德、其賜公延年杖及馮几、謁請之日、便使杖入、又可使著鹿皮冠、魏志文帝紀注引魏書又後漢楊彪

傳注北堂書鈔一百三十三、並引續漢書
又見袁宏後漢紀三十書鈔一百三十三

改封曹植爲安鄉侯詔

黃初二年

植朕之同母弟朕于天下無所不容而況植乎骨肉之親舍而不

誅其改封植

魏志陳思王植傳注引魏書

取士勿限年詔

黃初三年正月庚午

今之計考古之貢士也十室之邑必有忠信若限年然後取士是
呂尚周晉不顯于前世也其令郡國所選勿拘老幼僞通經術吏
遠文法到皆試用有司糾故不曰實者

魏志文帝紀

詔答吳王

黃初三年

老虜邊窟越險深入曠日持久內迫罷弊外困智力故見身于雞
頭分兵擬西陵其計不過謂可轉是前迹曰搖動江東根未著地
摧折其支雖未剗備五藏使身首分離其所降誅亦足使虜部眾
兇懼昔吳漢先燒荊門後發夷陵而于陽無所逃其死來歙始襲
略陽文叔喜之而知隗囂無所施其巧今計此虜正信其事將軍

勉建方略務全獨克

吳志吳王傳二注引魏書板詔各

撫勞西域奉獻詔

黃初三年二月

西戎卽敘氐羌來王詩書美之頃者西域外夷竝款塞內附其遣

使者撫勞之

魏志文帝紀

毀高陵祭殿詔

黃初三年

先帝躬履節儉遺詔省約子呂述父爲孝臣呂繼事爲忠古不墓祭皆設于廟高陵上殿屋皆毀壞車馬還廢衣服藏府呂從先帝

儉德之志

晉書禮志中宋書禮志三又通典五十二

禁婦人與政詔

黃初三年九月

夫婦人與政亂之本也自今呂後羣臣不得奏事太后后族之家

不得當輔政之任又不得橫受茅土之爵呂此詔傳後世若有背

違天下共誅之

魏志文帝紀

制傍枝入嗣大位不得加父母尊號詔

依漢祖之尊，太上皇是也。且禮不曰父命辭王父命，漢氏諸侯之人，皆受天子之命，庸于宗也。而猶顧其私親，僭擬天號，豈所謂爲人後之義哉？後代若諸侯入嗣者，皆不得追加其私考爲皇，妣爲后也。故有佞媚妖惑之人，欲悅時主，繆建非義之事，曰亂正統者，此股肱大臣所當禽誅也。其著乎甲令書之金策，藏諸宗廟，副乎

三府，尚書中書亦當各藏一通。

通典七十一

答中山王獻黃龍頌詔

黃初三年

昔唐叔歸禾，東平獻頌，斯皆骨肉贊美，呂彰懿親，王研精墳典，耽味道真，文雅煥炳，朕甚嘉之。王其克慎明德，曰終合問。

魏志中山恭王衮傳

詔責孫權

黃初三年

權前對浩，周自陳不敢自遠，樂委質長爲外臣。又前後辭旨，頭尾擊地，此鼠子自知不能保爾許地也。又今與周書，請曰十二月遣子，復欲遣孫長緒、張子布、隨子俱來，彼二人皆權股肱心腹也。又

欲爲子于京師求婦此權異心之明效也

吳志大帝傳注引魏略

伐吳詔 黃初三年十月

制詔昔軒轅不爲涿鹿之師則蚩尤之妖不滅唐堯不興丹水之陳則南蠻之難不平漢武不行呂嘉之罰則橫浦之表不附光武不加囂逃之誅則隴蜀之亂不清故曰非威不服非兵不定孫權小醜憑江停暴因有外心凶頑有性故奮武銳順天行誅馳騎龍驤猛將武步或修句踐潛涉之口頑或圖韓信夏口之誑愚接舡引水攻陳六軍已陸橫擊征南進運已圍江陵多獲舟船斬首執俘降者盈路牛酒日至大司馬及征東諸將卷甲長驅其舟隊今已向濟今車駕自東爲之瞻窺雲行天步乘輿而運賊進退道迫首尾有難不爲楚靈乾溪之潰將有彭寵蕭牆之變必自魚爛不復血刃宜慎終勳靜已聞

文館詞林六百六十二

禁復私讎詔

喪亂已來，兵革縱橫，天下之人多相殘害者。昔田橫殺鄒尚之兒，張步害伏湛之子，漢氏二祖下詔，使不得相讎。賈復寇恂，私相怨憾，至懷手劔之忿。光武召而和之，卒共同輿而載。今兵戎始息，宇內初定，民之存者，非流亡之孤，則鋒刃之餘。當相親愛，養老長幼。自今以後，倘有讎怨者，皆不得相讎。敢有復私讎者，皆族之。

魏志文帝

紀載文類聚三十三
御覽四百八十二

敕還師詔 黃初四年三月

孫權殘害民物，朕曰寇不可長，故分命猛將，三道竝征。今征東諸軍與權黨呂範等水戰，則斬首四萬，獲船萬艘。大司馬據守濡須，其所禽獲亦已萬數。中軍征南攻圍江陵，左將軍張郃等舳艫直渡，擊其南渚，賊赴水溺死者數千人。又爲地道攻城，城中外雀鼠不得出入。此几上肉耳。而賊中癘氣疾病，夾江塗地，恐相染污。昔周武伐殷，旋師孟津。漢祖征陳豨，還軍高平，皆知天時而度賊情。

也且成湯解三面之網天下歸仁今開江陵之圍日緩成死之禽

且休力役罷省絲皮畜養士民咸使安息

魏志文帝紀注引魏書

曰蔣濟爲東中郎將代領曹仁兵詔

黃初四年三月

卿兼資文武志節愜懷常有超越江湖吞吳會之志故復授將率

之任

魏志蔣濟傳

鵝鵝集靈芝池詔

黃初四年五月

此詩人所謂汗澤者也曹詩刺恭公遠君子而近小人今豈有賢

智之士處于下位者乎否則斯鳥何爲而至哉其博舉天下德

茂才獨行君子曰荅曹人之刺

魏志文帝紀又晉書五行志二

詔賜張旣子翁歸爵

黃初四年

昔荀桓子立勳翟士晉侯賞曰千室之邑馮異輸力漢朝光武封

其二子故涼州刺史張旣能容民畜眾使羣羌歸土可謂國之良

臣不幸薨隕朕甚愍之其賜小子翁歸爵關內侯

魏志張旣傳

止王國讓位詔

黃初四年

朕求賢于君而未得君乃翻然稱疾非徒不得賢更開失賢之路
增玉鉉之傾無乃居其室出其言不善見違于君子乎君其勿有
後辭

魏志王國傳

詔賜溫恢子生爵

恢有柱石之質服事先帝功勤明著及爲朕執事忠于王室故授
之曰萬里之任任之曰一方之事如何不遂吾甚愍之賜恢子生

爵關內侯

魏志溫恢傳

賜進士出身 高品衍廣東等處提刑按察使司按察使兼管驛傳事務廣國王毓藻校刊

全三國文卷五終

全三國文卷六

烏程嚴可均校輯

魏六

文帝三

改封縣王詔黃初五年

先王建國隨時而制漢祖增秦所置郡至光武曰天下損耗并省郡縣曰今比之益不及焉其改封諸王皆爲縣王魏志彭城王據傳

車駕臨江還詔三公

三世爲將道家所忌窮兵黷武古有成戒況連年水旱士民損耗而功作倍于前勞役兼于昔進不滅賊退不和民夫屋漏在上知之在下然迷而知反失道不遠過而能改謂之不過今將休息棲備高山沈權九淵割除擯棄投之畫外車駕當曰今月中旬到譙淮漢眾軍亦各還反不臘西歸矣魏志王明傳

議輕刑詔

黃初五年十月

近之不綏，何遠之懷！今事多而民少，上下相弊。詔文法，百姓無所措其手足。昔太山之哭者，詔爲苛政甚于猛虎。吾備儒者之風，服聖人之遺教，豈可詔目翫其辭，行違其誠者哉！廣議輕刑，詔患百姓。

魏志文帝紀注引魏書

禁設非禮之祭詔

黃初五年十二月

先王祭禮，所詔昭孝事祖。大則郊社，其次宗廟，三辰五行，名山大川，非此族也，不在祀典。叔世衰亂，崇信巫史，至乃宮殿之內，戶牖之間，無不沃醑，甚矣其惑也。自今其敢設非禮之祭，巫祝之言，皆詔執左道論著于令典。

魏志文帝紀宋書禮志四通典五十五

伐吳設鎮軍撫軍大將軍詔

黃初六年二月

制詔：昔軒轅建四面之號，周武稱子有亂臣十人，斯蓋先聖所詔。體國君民，亮成天工，多賢爲貴也。今內有公卿，詔鎮京師，外設牧

伯曰監四方至于元戎出征則軍中宜有柱石之賢帥輜重所在又宜有鎮守之重臣然後車駕可曰周行天下無內外之慮吾今當征賊欲守之積年其曰尚書合穎鄉侯陳羣爲鎮軍大將軍尚書僕射西鄉侯司馬懿爲撫軍大將軍若吾臨江授諸將方略則撫軍當留許昌督後諸軍錄後臺文書事鎮軍隨車駕當董督眾軍錄行尚書事皆假節鼓吹給中軍兵騎六百人吾欲去江數里築宮室往來其中見賊可擊之形使出奇兵擊之若或未可則當舒六軍曰遊獵饗賜軍士

魏志文帝紀注引魏略文館詞林六百六十二

征吳臨行詔司馬懿

吾深曰後事爲念故曰委卿曹參雖有戰功而蕭何爲重使吾無西顧之憂不亦可乎

晉書書胤帝紀

詔賜張遼李典子爵

黃初六年

合肥之役遼典曰步卒八百破賊十萬自古用兵未之有也使賊

至今奪氣可謂國之爪牙矣其分遼典邑各百戶賜一子爵關內

侯

魏志張遜傳

追贈杜畿詔

黃初六年

昔冥勤其官而水死稷勤百穀而山死故尚書僕射杜畿于孟津試船遂至覆沒忠之至也朕甚愍焉追贈太僕諡曰戴侯

魏志杜畿傳

贈夏侯尚詔

黃初六年

尚自少侍從盡誠竭節雖云異姓其猶骨肉是已入爲腹心出當爪牙智略深敏謀謨過人不幸早殞命也奈何贈征南大將軍昌

陵侯印綬

魏志夏侯尚傳注引魏書

還洛陽詔司馬懿

吾東撫軍當總西事吾西撫軍當總東事

晉書宣帝紀

收鮑勛詔

黃初七年四月

勛指鹿爲馬收付廷尉

魏志鮑勛傳

詔劉靖遷廬江太守

卿父昔爲彼州今卿復據此郡可謂克負荷者也

魏志劉敬傳

成泉合沐竝收校事劉肇言狀聞有詔

肇爲牧司爪牙吏而竝欲收縛無所忌憚自恃清名耶

魏志常琳傳注引魏

略清介傳

詔報孫邕

生敬其人死辭其室追遠敬終違而得道者也

晉任城太守夫人孫氏碑長沙人恒

伯序有寡妻伏氏魏文帝曰妻也辭文帝詔報

賜群悌等關內侯詔

群悌駁吏也王思卻嘉純吏也各賜關內侯已報其勤

魏志梁習傳注引魏

略詩史傳

械繫合狐浚詔

浚何愚魏志王浚傳注引魏書

答孟達薦王雄詔

昔蕭何薦韓信，鄧禹進吳漢，惟賢知賢也。雄有膽智，技能文武之姿，吾宿知之。今便已參散騎之選，方使少在吾門下，知指歸，便大用之矣。天下之士，欲使皆先歷散騎，然後出據州郡，是吾本意也。

魏志崔林傳注引魏名臣奏

詔羣臣

三世長者知被服，五世長者知飲食。此言被服飲食，非長者不別

也。御覽六百八十九作被服飲食難曉也

夫珍玩必中國，夏則縑總綃總，其白如雪，冬則羅紈綺縠，衣疊鮮文，未聞衣布服葛也。

前後每得蜀錦，殊不相似，比適可訝，而鮮卑尙復不愛也。自吾所織如意虎頭連璧錦，亦有金薄，蜀薄來至洛邑，皆下惡，是爲下工之物，皆有虛名。藝文類聚八十五御覽八百十五

江東爲葛靈可比羅紈綺縠

御覽八

前于闐王山習所上孔雀尾萬枝文彩五色已爲金根車蓋遙望

耀人眼目

藝文類聚九十一
御覽九百二十四

飲食一物南方有橘酢正裂人牙時有甜耳

藝文類聚
八十六

新城孟太守道蜀脂脆雞鷺味皆澹故蜀人作食喜著飴蜜已助

味也

書鈔一百四十七
御覽八百五十七

真定郡梨大若拳甘若蜜脆若菱可已解煩釋渴

藝文類聚八十六
御覽九百六

草二十三
十九六觀本

南方有龍眼荔枝靈比西國蒲萄石蜜平酢且不如中國今已荔

枝賜將吏噲之則知其味薄矣凡棗味莫若安邑御棗也

藝文類
聚八十八

七御覽七十一八百
五十七九百七十一

中國珍果甚多且復爲蒲萄說當其朱夏涉秋尚有餘暑醉酒宿
醒掩露而食甘而不餽脰而不酢冷而不寒味長汁多除煩解渴

又釀曰爲酒甘于鞠粢善醉而易醒道之固已流涎咽唾况親食之邪他方之果寧有匹之者藝文類聚八十七御覽九百七十二大概本草二十三

敕豫州禁吏民往老子亭禱祝

黃初三年

告豫州刺史老聃賢人未宜先孔子不知魯郡爲孔子立廟成未漢桓帝不師聖法正曰嬖臣而事老子欲曰求福良足笑也此祠之興由桓帝武皇帝曰老子賢人不毀其屋朕亦曰此亭當路行來者輒往瞻視而樓屋傾頹儻能壓人故介修整昨過視之殊整頓恐小人謂此爲神妄往禱祝違犯常禁宜宣告吏民咸使知聞續高僧傳三十僧勸難道論又釋道宣集古今佛道論衡

策諡麗德

延康元年

昔先軫喪元王蠋絕脰隕身徇節前代美之惟侯式昭果毅蹈難成名聲溢當時義高在昔寡人愍焉諡曰壯侯魏志龐惠傳

策命孫權九錫文

黃初二年十一月

蓋聖王之法曰德設爵曰功制祿勞大者祿厚德盛者禮豐故叔
旦有夾輔之勳太公有鷹揚之功竝啟土宇并受備物所曰表章
元功殊異賢哲也近漢高祖受命之初分裂膏腴曰王八姓斯則
前世之懿事後王之元龜也朕曰不德承運革命君臨萬國秉統
天機思齊先代坐而待旦惟君天資忠亮命世作佐深覩厯數達
見廢興遠遣行人浮于潛漢望風景附抗疏稱藩兼納織紵南方
之貢普遣諸將來還本朝忠肅內發款誠外昭信著金石義蓋山
河朕甚嘉焉今封君爲吳王使使持節太常高平侯貞授君璽綬
策書金虎符第一至第五左竹使符第一至第十曰大將軍使持
節督交州領荊州牧事錫君青土其曰白茅對揚朕命曰尹東夏
其上故驃騎將軍南昌侯印綬符策今又加君九錫其敬聽後命
曰君綏安東南綱紀江外民夷安業無或攜貳是用錫君大輅戎
輅各一玄牡二駟君務財勸農倉庾盈積是用錫君袞冕之服赤

寫副焉君化民曰德禮教興行敦義崇讓內外咸和

二語從古鈔補是用

錫君軒縣之樂君宣導休風懷柔百越是用錫君朱戶曰居君運

其才謀官方任賢是用錫君納陛曰登君顯直厝枉羣善必舉

語

從書鈔補忠勇並奮清除姦慝是用錫君虎賁之士百人君振威陵邁

宣力荆南梟滅凶醜罪人斯得是用錫君鈇鉞各一君文和于內

武信于外禽討逆節折衝掩難

二語從書鈔補

是用錫君彤弓一彤矢百

茲弓十茲矢千君曰忠肅爲基恭勤爲德是用錫君鉅鬯一卣圭

瓚副馬欽哉敬敷訓典曰服朕命曰勛相我國家永終爾顯烈

吳志

大帝權傳二北堂書鈔三十一又成文類聚五十三

冊孫權太子登爲東中郎封侯文

蓋河洛寫天意符讖述聖心昭晰著明與天談也故易曰河出圖

洛出書聖人則之孫將軍歸心國朝忠亮之節同功佐命而其子

當爲魏將軍著在圖讖由漢光武受命李氏爲輔王梁孫咸並見

符緯也斯乃皇天啟佑大魏永令孫氏仍世爲佐其曰登爲東中
郎將封縣侯萬戶昔周嘉公且祚流七胤漢禮蕭何一門十侯今
孫將軍亦當如斯若夫長平之榮安豐之寵方斯蔑如藏文類聚
五十一

除禁輕稅令

延康元年二月

關津所已通商旅池苑所已禦災荒設禁重稅非所已便民其餘

池籩之禁輕關津之稅皆復什一

魏志文帝紀
注引魏書

拜毛玠等子爲郎中令

延康元年三月

故尚書僕射毛玠奉常王修涼茂郎中令袁渙少府謝奐萬潛中

尉徐奕國淵等皆忠直在朝履蹈仁義竝早卽世而子孫陵遲惻

然愍之其皆拜子男爲郎中

魏志文帝紀
注引魏書

已鄭稱授太子經學令

延康元年五月

令龍淵太阿出昆吾之金和氏之璧由井里之田蕪之已砥礪錯
之已他山故能致連城之價爲命世之寶學亦人之砥礪也稱篤

學大儒勉已經學輔侯宜旦夕入授

魏志注

曜明其志

魏志文帝紀注引魏

略文館詞林

六百九十五

問張既合 延康元年

試守金城太守蘇則既有綏民平夷之功聞又出軍西定湟中爲

河西作聲勢吾甚嘉之則之功效爲可加爵邑未暇封爵重事故

已問卿密白意且勿宣露也

魏志蘇則傳注引魏名臣奏

敕盡規諫令

延康元年七月庚辰

軒轅有明臺之議放勛有衢室之問皆所已賡詢于下也百官有

司其務已職盡規諫將率陳軍法朝士明制度牧守申政事縉紳

攷六藝吾將兼覽焉

魏志文帝紀

孟達楊僕降附令

延康元年七月庚辰

吾前遣使宣國威靈而達卽來吾惟春秋衰儀父卽封拜達使還

領新城太守近復有扶老攜幼首向王化者吾聞風沙之民自縛

其君曰歸神農、幽國之眾、緇負其子、而入豐鎬、斯豈驅略迫脅之所致哉、乃風化動其情、而仁義感其衷、歡心內發、使之然也、曰此而推、西南將萬里無外、權備將與誰守死乎、魏志文帝紀注引魏略王自手筆令

復譙租稅令

延康元年七月甲午

先王皆樂其所生、禮不忘其本、譙霸王之邦、真人本出其復譙租

稅二年

魏志文帝紀注引魏書

殯祭死亡士卒令

延康元年十一月癸卯

諸將征伐士卒死亡者、或未收斂、吾甚哀之、其告郡國、給槨、殯殮

斂、送至其家、官爲設祭、

魏志文帝紀

曰李伏言禪代合符、讖示外令

曰示外、薄德之人、何能至此、未敢當也、斯誠先王至德、通于神明

固非人力也、

魏志文帝紀注引魏書

辭符讖令

延康元年十一月丙午

犁牛之駸，侶虎莠之幼，侶禾事有信，是非者，今日是已。觀斯言

事，良重吾不德，于是尚書僕射宣告官寮，咸使聞知。魏志文帝紀注引獻帝傳

辭許芝等條上讖緯令

延康元年十一月辛亥

昔周文三分天下有其二，曰服事殷，仲尼歎其至德。公旦履天子之籍，聽天下之斷，終然復子明辟，書美其人。吾雖德不及二聖，敢忘高山景行之義哉。若夫唐堯舜禹之蹟，皆曰聖質，茂德處之，故能上和靈祇，下靈萬姓，流稱今日。今吾德至薄也，人至鄙也，遭遇際會，幸承先王餘業，恩未被四海，澤未及天下，雖傾倉儲府，曰振魏國百姓，猶寒者未盡煖，飢者未盡飽。夙夜憂懼，弗敢違靈，庶欲保全髮齒，長守今日。曰沒于地，曰全魏國，下見先王，曰塞負荷之責，望狹志局，守此而已。雖屢蒙祥瑞，當之戰惶，五色無主。若芝之言，豈所聞乎？心慄手悼，書不成字。辭不宣口，吾聞作詩曰：喪亂悠悠過紀，白骨縱橫萬里，哀哀下民靡恃，君將作時整理，復子明辟。

致仕庶欲守此辭曰自終卒不虛言也宜宣示遠近使昭赤心

魏志

文帝紀注

引獻帝傳

再讓符命令

延康元年十一月辛亥

下四方曰明孤款心是也至于覽餘辭豈余所謂哉蓋所堪哉諸卿指論未若孤自料之審也夫虛談謬稱鄙薄所弗當也且聞比來東征經郡縣歷屯田百姓而有飢色衣或襤褐不完罪皆在孤是曰上慙眾瑞下愧士民由斯言之德尚未堪偏王何言帝者也宜止息此議無重吾不德使逝之後不愧後之君子

魏志文帝紀注引獻帝傳

荅司馬懿等再陳符命令

延康元年十一月癸丑

世之所不足者道義也所有餘者苟妄也常人之性賤所不足貴所有餘故曰不患無位患所曰立孤雖寡德庶自免于常人之貴夫后可破而不可奪堅丹可磨而不可奪赤丹后微物尚保斯實況吾託士人之末列曾受教于君子哉且於陵仲子曰仁爲富柏

城子高曰義爲貴鮑焦感子貢之言棄其蔬而槁死薪者譏季札失辭皆委重而弗視吾獨何人昔周武大聖也使叔旦盟膠鬲于四内使召公約微子于共頭故伯夷叔齊相與笑之曰昔神農氏之有天下不曰人之壞自成不曰人之卑自高曰爲周之伐殷曰恭也吾德非周武而義慙夷齊庶欲遠苟妄之失道立丹后之不奪適於陵之所富蹈柏成之所貴執鮑焦之貞至遵薪者之清節故曰三軍可奪帥匹夫不可奪志吾之斯志豈可奪哉

魏志文帝紀注引鮑焦傳

帝傳

止羣臣議禪代禮儀令

當謙孤終不當承之意而已猶獵還方有合

魏志文帝紀注引獻帝傳

又令

吾終不敢當之外亦何豫事也

同上

罷設受禪壇場令

屬山見外便設壇場斯何謂乎今當辭讓不受詔也但于帳前發
璽書威儀如常且天寒罷作壇士使歸

魏志文帝紀
注引獻帝傳

既發璽書又下令

當奉還璽綬爲讓章吾豈奉此詔承此貶邪昔堯讓天下于許由
子州支甫舜亦讓于善卷石戶之農北人無擇或退而耕潁之陽
或辭曰幽憂之疾或遠入山林莫知其處或攜子入海終身不反
或曰爲辱自投深淵且顏燭懼太璞之不完守知足之明分王子
搜樂丹穴之潛處被熏重而不出柳下惠不曰三公之貴易其介
曾參不曰晉楚之富易其仁斯九士者咸高節而尚義輕富而賤
貴故書名千載于今稱焉求仁得仁仁豈在遠孤獨何爲不如哉
義有蹈東海而逝不奉漢朝之詔也亟爲上章還璽綬宣之天下

使咸聞焉

魏志文帝紀
注引獻帝傳

辭請禪令

延康元年十一月乙卯

昔柏成子高辭夏禹而匿野，顏閭辭魯幣而遠跡。夫曰王者之重諸侯之貴，而二子忽之，何則？其節高也。故列士徇榮名，義夫高貞介。雖蔬食瓢飲，樂在其中。是曰仲尼師王駘，而子產嘉申徒。今諸卿皆孤股肱腹心，足曰明孤，而今咸若斯，則諸卿遊于形骸之內，而孤求為形骸之外，其不相知，未足多怪。亟爲上章，還璽綬，勿復紛紛也。

魏志文帝紀
注引蘇帝傳

讓禪令

夫古聖王之治也，至德合乾坤，惠澤均造化，禮教優乎昆蟲，仁恩洽乎草木，日月所照，戴天履地，含氣有生之類，靡不被服清風，沐浴玄德。是曰金革不起，苛慝不作，風雨應節，禎祥觸類而見。今百姓寒者未煖，飢者未飽，鰥者未室，寡者未嫁，權備尙存，未可舞曰千戚，方將整曰齊斧，戎役未息于外，士民未安于內，耳未聞康哉之歌，目未覩擊壤之戲，嬰兒未可託于高巢，餘糧未可曰宿于田。

畝人事未備至于此也夜未曜景星治未通真人河未出龍馬山
未出象車其茨未植階庭是甫未生庖廡王母未獻白環渠搜未
見珍裘靈瑞未效又如彼也昔東戶季子容成大庭軒轅赫胥之
君咸得曰此就功勳名今諸卿獨不可少假孤精心竭慮曰和天
人曰格至理使彼眾事備羣瑞效然後安乃議此乎何遽相愧相
迫之如是也速爲讓章上還璽綬無重吾不德也

魏志文帝紀
注引獻帝傳

又令

泰伯三曰天下讓人無得而稱焉仲尼歎其至德孤獨何人上
答董巴等令

凡斯皆宜聖德故曰苟非其人道不虛行天瑞雖彰須德而光吾
德薄之人胡足曰當之今讓冀見聽許外內咸使聞知

魏志文帝
紀注引獻

帝傳

三讓璽綬令

冀三讓而不見聽何汲汲于斯乎

魏志文帝紀注引獻帝傳

讓禪令

天下重器王者正統曰聖德當之猶有懼心吾何人哉且公卿未

至乏主斯豈小事且宜曰待固讓之後乃當更議其可耳

魏志文帝紀注

引獻帝傳

又令

曰德則孤不足曰時則戎虜未滅若曰羣賢之靈得保首領終君

魏國于孤足矣若孤者胡足曰辱四海至乎天瑞人事皆先王聖

德遺慶孤何有焉是曰未敢聞命

魏志文帝紀注引獻帝傳

允受禪令

昔者大舜飯糗茹草將終身焉斯則孤之前志也乃至承堯禪被

珍裘妻二女若罔有之斯則順天命也羣公卿士誠曰天命不可

拒民望不可違孤亦曷曰辭焉

魏志文帝紀注引獻帝傳

合

樹德垂聲崇化篤俗

文選桓溫薦
譙秀表注

道薄于當年風積于百代矣

同上

荅卞蘭敘

賦者言事類之所附也頌者美盛德之形容也故作者不虛其辭
受者必當其實蘭此賦豈吾寶哉昔吾王壽王一陳寶鼎何武等
徒曰歌頌猶受金帛之賜蘭事雖不諒義足嘉也今賜牛一頭

魏志

卞后傳注引魏略又藝文類聚十
六又五十六御覽五百八十七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷七

烏程嚴可均校輯

魏

文帝

上書讓禪

魏文帝題
作讓授禪表

皇帝陛下奉被今月乙卯璽書伏聽冊命五內驚震精爽散越不知所處臣前上還相位退守藩國聖恩聽許臣雖無古人量德度身自定之志保已存性實其私願不寤陛下猥損過謬之命發不世之詔臣加無德之臣且聞魏文帝題堯禪重華舉其克諧之德舜授文命采其齊聖之美猶下咨四嶽上觀璇璣今臣德非虞夏行非二君魏文帝題而承麻數之謔應選授之命內自揆撫無德已稱且許由匹夫猶拒帝位善卷布衣而逆虞詔臣雖鄙蔽敢忘守節臣當大命不勝至願謹拜章陳情使行相國永壽少府龔士

臣毛宗奏竝上璽綬

魏志文帝紀注引獻帝傳又略見魏文類聚十三

上書再讓禪

奉今月戊戌璽書重被聖命伏聽冊告肝膽戰慄不知所措天下神器禪代重事故堯將禪舜納于大麓舜之命禹玄圭告功烈風不迷九州攸平詢事攷言然後乃命而猶執謙讓于德不嗣況臣頑固質非二聖乃應天統受終明詔敢守微節歸志箕山不勝犬願謹拜表陳情使并奉上璽綬

魏志文帝紀注引獻帝傳

上書三讓禪

臣聞舜有賓于四門之勳乃受禪于陶唐禹有存國七百之功乃承祿于有虞臣已蒙蔽德非二聖猥當天統不敢聞命敢屢抗疏略陳私願庶章通紫庭得全微節情達宸極永守本志而音重復銜命申制詔廷臣實戰惕不發璽書而音迫于嚴詔不敢復命願陛下馳傳騁驛召音還臺不勝至誠謹使宗奉書

魏志文帝紀注引獻帝傳

有司劾田疇不受封宜免官加刑議

建安十五年

皆遺放逃畧傳載其美所以激濁世勵貪夫賢于尸祿餐之入也故可得而小不可得而毀至于田疇方斯近矣免官加刑下法爲重

魏志田疇傳注引魏書

報傅崔琰

昨奉嘉命惠示雅數欲使燔翳捐褶翳已壞矣褶亦去焉後有此

比蒙復誨諸

魏志崔琰傳

昨奉嘉命廣開正路翳已壞矣畢亦去焉師傅之言實獲我心

英華六百二十七辭元超諫

皇太子箴引此與魏志不同

報吳主孫權

黃初三年正月癸亥

昔隗器之斃禍發拘邑子陽之禽變起扞關將軍其亢厲威武勉蹈奇

功呂稱吾意

魏志文帝紀注引魏書

又報吳主孫權

黃初三年九月

君生于擾攘之際，本有縱橫之志，降身奉國，已享茲祚，自君策名已來，貢獻盈路，討備之功，國朝仰成，埋而掘之，古人之所恥，朕之與君，大義已定，豈樂勞師，遠臨江漢，廊廟之議，王者所不得專，三公上君過失，皆有本末，朕已不明，雖有曾母投杼之疑，猶冀言者不信，已爲國福，故先遣使者犒勞，又遣尚書侍中踐修前言，已定任子，君遂設辭，不欲使進，議者怪之，又前都尉浩周勸君遣子，乃實朝臣交謀，已此卜君，君果有辭，外引隗囂遣子不終，內喻竇融守忠而已，世殊時異，人各有心，浩周之還，口陳指麾，益令議者發明眾嫌，終始之本，無所據杖，故遂俛仰從羣，臣議今省上事，款誠深至，心用慨然，悽愴動容，卽日下詔赦諸軍，但深溝高壘，不得妄進，若君必效忠節，已解疑議，登身朝到，夕召兵還，此言之誠，有如

大江

吳志吳主權紀黃武元年

手報司馬芝

省長明卿至心欲奉詔書曰權行事是也此乃卿奉詔之意何謝
之有後黃門復往慎勿通也

魏志司馬芝傳

報王朗

黃初初年

覽表雖魏絳稱虞箴曰威晉悼相如陳猛獸曰戒漢武未足曰喻
方今二寇未殄將帥遠征故時入原野曰習戎備至于夜還之戒

已詔有司施行

魏志王朗傳

答繁欽書

披書歡笑不能自勝奇才妙伎何其善也頃守宮王孫世有女曰
瑣年始九歲夢與神通寤而悲吟哀聲急切涉歷六載于今十五
近者督將具曰狀聞是日戊午祖于北園博延眾賢遂奏名倡曲
極數彈歡情未遑白日西逝清風赴闕羅幃徒祛玄燭方微乃令
從官引內世女須臾而至厥狀甚美素顏玄髮皓齒丹脣詳而問
之云善歌舞于是振袂徐進揚蛾微眦芳聲清激逸足橫集眾倡

騰遊羣賓失席，然後修容飾妝，改曲變度，激清角，揚白雪，接孤聲，赴危節，于是商風振條，春鶻度吟，飛霧成霜，斯可謂聲協鐘石，氣應風律，網羅韶濩，囊括鄭衛者也。今之妙舞莫巧于絳樹，清歌莫善初學記知于宋臈，豈能上亂靈祇，下變庶物，漂悠風雲，橫厲無方，若斯也哉。固非車子喉轉長吟所能逮也。吾練色知聲，雅應此選，謹卜良日，納之閑房。藝文類聚四十三初學記十九二十五三十知覽三百八十一五百七十三九百二

六十

答楊修書

重惠流離，危昭厚意。

御覽七百六十一

與鍾繇書

袁王國士，吏為脣齒，苟闕勁悍，往來銳師，真君侯之勍敵，左右之

深憂也。

魏志荀彧傳注引荀氏家傳

九日與鍾繇書

歲往月來忽復九月九日九爲陽數而日月並應俗嘉其名曰爲
宜于長久故曰享宴高會是月律中無射言羣木庶草無有射地
而生至于芳菊紛然獨榮非夫含乾坤之純和體芬芳之淑氣孰
能如此故屈平悲冉冉之將老思殫秋菊之落英輔體延年莫斯
之貴謹奉一束曰助彭祖之術此文類聚四北堂書鈔一百五
十五初學記四細覽三十二

鑄五熟釜成與鍾繇書

昔者黃帝三鼎周之九寶咸曰一體使調一味豈若斯釜五味時
芳蓋鼎之烹飪曰饗上帝曰養聖賢昭德祈福莫斯之美故非大
人莫之能造故非斯器莫宜盛德今之嘉釜有逾茲美夫周之尸
臣宋之攷父衛之孔悝晉之魏顛彼四臣者竝曰功德勒名鍾鼎
今執事實亮大魏曰隆聖化堂堂之德于斯爲盛誠太常之所宜
銘彝器之所宜勒故作斯銘勒之釜口庶可贊揚洪美垂之不朽

魏志鍾繇傳注引魏略
又見御覽七百五十七

又與鍾繇書

丕白良玉比德君子珪璋見美詩人晉之垂棘魯之瑣璣宋之結
緣楚之和璞價越萬金貴重都城有稱疇昔流聲將來是曰垂棘
出晉虞號雙禽和璧入秦相如抗節竊見玉書稱美玉白如截肪
黑譬純漆赤擬鷄冠黃侔蒸栗側聞斯語未覩厥狀雖德非君子
義無詩人高山景行私所仰慕然四寶逸焉已遠秦漢未聞有良
比也求之曠年不遇厥真私願不果飢渴未副近日南陽宗惠叔
稱君侯昔有美琬聞之驚喜笑與朴會當自白書恐傳言未審是
目令舍弟子建因荀仲茂時從容喻鄙旨乃不忽遺厚見周稱鄰
騎既到寶琬初至捧匣跪發五內震駭繩窮匣開爛然滿目猥目
蒙鄙之姿得覩希世之寶不煩一介之使不損連城之價既有秦
昭章臺之觀而無簡生詭奪之誑嘉貺益腆敢不欽承謹奉賦一
篇目讚揚麗質丕白

魏志鍾繇傳注引魏略
文選御覽九百六十四

又報鍾繇書

得報知喜南方至于荀公之清談孫權之斌媚執書嗚噓不能離手若權復點當折曰汝南許邵月旦之評權優游二國俯仰苟許亦已足矣

魏志鍾繇傳注引魏略

借取廓落帶嘲劉楨書

夫物因人爲貴故在賤者之手不御至尊之側今雖取之勿嫌其

不反也

魏志王粲傳注引典略

與吳質書

五月十八日丕白季重無恙途路雖局官守有限願言之懷良不可任足下所治辭左書問致簡益用增勞每念昔日南皮之游誠不可忘既妙思六經逍遙百氏彈棊閒設終日六博高談娛心宴筭順耳馳騫北場旅食南館浮甘瓜于清泉沈朱李于寒水白日既匿繼曰朗月同乘竝載曰游後園輿輪徐動參從無聲清風夜

起悲筋微吟樂往哀來淒然傷懷余顧而言斯樂難常足下之徒
誠已爲然今果分別各在一方元瑜長逝化爲異物每一念至何
時可言方今蕤賓紀時景風扇物天氣和暖眾果具繁時駕而游
北遵河曲從者鳴笳曰故路文學託乘于後車節同時異物是人
非我勞如何今遺騎到鄴故使枉道相過行矣自愛不白

王粲傳注引魏略又
藏文類聚二十六

文選又
見魏志

又與吳質書

二月三日丕白歲月易得別來行復四年三年不見東山猶歎其
遠况乃過之思何可支雖書疏往返未足解其勞結昔年疾疫親
故多離其災徐陳應劉一時俱逝痛可言邪昔日遊處行則連輿
止則接席何曾須臾相失每至觴酌流行絲竹並奏酒酣耳熱仰
而賦詩當此之時忽然不自知樂也謂百年已分可長共相保何
圖數年之閒零落略盡言之傷心頃撰其遺文都爲一集觀其姓

名曰爲鬼錄、追思昔遊、猶在心口、而此諸子、化爲糞壤、可復道哉、
觀古今文人、類不讀細行、鮮能曰名節自立、而偉長獨懷文抱質、
恬淡寡欲、有箕山之志、可謂彬彬君子者矣、著中論二十餘篇、成
一家之言、辭義典雅、足傳于後、此子爲不朽矣、德隨常斐、然有述
作之意、其才學足曰著書、美志不遂、良可痛惜、閒者歷覽諸子之
文、對之披淚、旣痛逝者、行自念也、孔璋章表、殊健、微爲繁富、公幹
有逸氣、但未適耳、其五言詩之善者、妙絕時人、元瑜書記、翩翩致
足樂也、仲宣續自善于辭賦、惜其體弱、不足起其文、至于所善、古
人無曰遠過、昔伯牙絕絃于鍾期、仲尼覆醢于子路、痛知音之難
遇、傷門人之莫逮、諸子但爲未及古人、自一時之雋也、今之存者、
已不逮矣、後生可畏、來者難誣、然恐吾與足下不及見也、年行已
長大、所懷萬端、時有所慮、至通夜不瞑、志意何時復類昔日、已成
老翁、但未白頭耳、光武言年三十餘、在兵中十歲、所更非一、吾德

不及之年與之齊矣。曰犬羊之質，服虎豹之文，無眾星之明，假日月之光，動見瞻觀，何時易乎？恐永不復得爲昔日遊也。少壯真當努力，年一過往，何可攀援。古人思炳燭夜遊，良有旨也。頃何旨自娛，頗復有所述造，不東望於邑。裁書敘心，不白。魏志王粲傳又裴文類聚二十六

又與吳質書

延康元年

南皮之游，存者三人。烈祖龍飛，或將或侯，今惟吾子，棲遲下仕。從我游處，獨不及門。鈺罄疊恥，能無懷愧。路不云遠，今復相聞。魏志王粲

答曹洪書

今魯包凶邪之心，肆蠱惑之政，天兵神拊，師徒無暴，樵牧不臨。文選

陳孔璋爲曹洪與文帝書注

今魯罪兼苗桀，惡稔厲莽，縱使宋翟妙機械之巧，田單騁奔牛之

自孫吳勃八陳之變猶無益也

上與曹洪書

五賢興邦二八登帝

曹洪

與王朗書

建安二十二年冬

生有七尺之形死惟一棺之土惟立德揚名可已不朽其次莫如著篇籍疫癘數起士人彫落余獨何人能全其壽故論撰所著典論詩賦蓋百餘篇集諸儒于肅城門內講論大義侃侃無倦

魏志文帝

魏書紀注引

蚤發雖細處于安寢初學記二十九鼠蛄鼠雖微猶毀郊牛

御覽九百五十一

不白不受江漢之珠而受巴蜀之鉤此言難得之貴賈不若易有

之賤物

御覽三百五十四

孫權重遣使稱臣奉貢明珠百筐黃金千鎰馴象二頭或牝或牡擾禽鸚鵡其他珍玩盈舟溢航千類萬品

御覽六百二十六

答王朗書

建安二十四年

昔石厚與州吁游，父疇知其與亂。韓子昵田蘇，穆子知其好仁。故君子游必有方，居必就士，誠有已也。嗟乎宋忠無石子先識之明，老羅此禍，今雖欲願行滅親之誅，立純臣之節，尙可得耶？

蜀志尹默傳注

引說

答劉備書

其詞不類疑有誤

獲累紙之命，兼美之貺，他既備善，雙鉤尤妙。前後之惠，非賢兄之貢，則執事之貽也。來若川流，聚成山積，其充匱筥，傾府藏者，固已無數矣。

御覽三百五十四

與孟達書

延康元年

近日有命，不足達旨，何者？昔伊摯背商而歸周，百里去虞而入秦，樂毅感鳴夷，王遵識順逆，已去就，皆審廢興之符效，知成敗之必然，故丹青畫其形容，良史載其功勳，聞卿姿度純茂，器量

優絕當騁能明時收名傳記今者翻然濯鱗清流甚相嘉樂虛心
西望依依若舊下筆屬辭歡心從之昔虞卿入趙再見取相陳平
就漢一覲參乘孤今于卿情過干往故致所御馬物呂昭忠愛

明帝紀注
引魏略

今者海內清定萬里一統三垂無邊城之警中夏無狗吠之虞呂
是弛罔闊禁與世無疑保官空虛初無資任卿來相就當明孤意
慎勿令家人續紛道路呂親駭疏也若卿欲來相見且當先安部
曲有所保固然後徐徐輕騎來東同上

與孫權書

前使于禁郭及夫所道吾織驪馬本欲使禁自致之念將軍儻欲
速得今故先呂付徐奉往此二馬朕之常所自乘甚調良善走數
萬匹之極選者乘之真可樂也中國雖饒馬其知名絕足亦時有
之耳藝文類聚九十三
御覽八百九十四

知己選擇見船最大樟材者六艘受五百石從河水送付樊口七百

今因趙咨致文馬一匹白罽子裘一領石蜜五斛鮑魚千枚七百

五十七九
百三十八

與諸將書

劉備既孤老智窮勢極正使欲與外爭則諸將軍便當就穴中將

取之爾北堂書鈔一
百五十八

與劉曄書

別生帽裁製微不長有信里父之服御覽六百八十七
本作劉生帽裁兩段製微不

長有信里父之服今帽所當
著校御覽多七字異一字

與朝臣書

江表惟長沙名有好米何得比新城杭稻邪上風炊之五里聞香

讀文類聚八十五初學記
二十七御覽八百三十九

送劍書

僕有劍一枚明珠標首藍玉飾靶因給左右已除妖氛

敘詩

爲太子時北園及東閣講堂竝賦詩命王粲劉楨阮瑀應瑒等同

作

初學記十皇太子門引魏文帝集

敘繁欽

上西征余守譙繁欽從時辭訪車子能喉嚨與箝同音欽踐還與

余盛歎之雖過其實而其文甚麗

文選繁欽與魏文帝踐注引文帝集

敘陳琳

上平定漢中族父都護還書與余盛稱彼方土地形勢觀其詞知

陳琳所敘爲也

文選陳孔璋爲曹洪與文帝書注卸覽五百九十五並引文帝集

誠子

父母于子雖肝腸腐爛爲其掩避不欲使鄉黨士友聞其罪過然

行之不敎久矣人自知之用此任官不亦難乎

御覽四百五十九

周成漢昭論

或方周成王于漢昭帝僉高成而下昭余曰爲周成王體上聖之
休氣稟賢妣之貽誨周召爲保傅呂尚爲太師口能言則行人稱
辭足能履則相者導儀目厭威容之美耳飽仁義之聲所謂沈清
玄流而沐浴清風者矣猶有咎悔聆二叔之誨使周公東遷皇天
赫怒顯明厥咎猶敎諸金滕稽諸國史然後乃悟不亮周公之聖
德而信金滕之敎言豈不暗哉夫孝昭父非武王母非邑姜養惟
蓋主相則榮光體不承聖化不胎育保無仁孝之質佐無隆平之
治所謂生于深宮之中長于婦人之手然而德與性成行與體并
年在二七早習夙達發燕書之詐亮霍光之誠豈將有啟金滕信
國史而後乃悟哉使夫昭成均年而立易世而化質臣而治換樂
而歌則漢不獨少周不獨多也

蘇文類聚十二
御覽八十九

太宗論

昔有苗不賓、重華舞百千、賦尉佗稱帝、孝文撫百恩德、吳王不朝、錫之几杖、已撫其意、而天下賴安、乃弘三章之教、愷悌之化、欲使曩時累息之民、得闊步高談、無危懼之心、若賈誼之才、敏籌畫國政、特賢臣之器、管晏之姿、豈若孝文大人之量哉。魏志文帝紀注引魏書

交友論

夫陰陽交、萬物成、君臣交、邦國治、士庶交、德行光、同憂樂、共富貴、而友道備矣。易曰：上下交而其志同。由是觀之，交乃人倫之本務、王道之大義、非特士友之志也。初學記十八引魏文帝集

連珠

蓋聞琴瑟高張、則哀彈發、節士抗行、則榮名至。是百申胥流音于南極、蘇武揚聲于朔裔。

蓋聞四節異氣、已成歲、君子殊道、已成名。故微子奔走而顯、比干

剖心而榮

蓋聞驚蹇服御良樂咨嗟鉛刀剖截歐冶歎息故少師幸而季梁

懼宰韶任而伍員憂

其文類聚五十七

五熟金銘

於赫有魏作漢藩輔厥相惟鍾寔幹心膺靖恭夙夜匪遑安處百

寮師師楷茲度矩

魏志鍾繇傳

露陌刀銘

於鑠良刀胡煉亶時譬諸騰角靡所任茲不逢不若永世寶持

魏文

類聚六十初學記二十
二御覽三百四十六

曹蒼舒誄

惟建安十有五

魏文類聚作二年

五月甲戌童子曹蒼舒卒嗚呼哀哉乃

作誄曰

於惟淑弟懿矣純良誕豐合質荷天之光既哲且仁爰柔克剛彼

德之容、茲義肇行、猗歟公子、終然允戍、宜逢介祉、已永無疆、如何
昊天、雕斯俊英、嗚呼哀哉、惟人之生、忽若朝露、促促百年、聲靈行
暮、矧爾既天、十三而卒、何辜于天、景命不遂、兼悲增傷、倅僚失氣、
永思長懷、哀爾罔極、貽爾良妃、繼爾嘉服、越已乙酉、宅彼城隅、增
上峩峩、寢廟渠渠、姻媾雲會、充路盈衢、悠悠羣司、岌岌其車、傾都
蕩邑、爰迄爾居、魂而有靈、庶可已娛、嗚呼哀哉、魏文類聚四十五古文苑

武帝哀策文

痛神曜之幽潛、哀鼎俎之虛置、舒皇德而詠思、遂膈臆已莅事、矧
乃小子、夙遭不造、熒熒在疚、嗚呼皇考、產我曷晚、棄我曷早、羣臣
子輔、奪我哀願、猥抑奔墓、俯就權變、卜葬既從、大隧既通、漫漫長
夜、窈窈立宮、有晦無明、曷有所窮、鹵簿既整、三官駢羅、前驅建旗、
方相執戈、棄此宮庭、陟彼山阿、魏文類聚十三

受禪告天文

延康元年十一月辛未

皇帝臣丕敢用玄牡，昭告于皇皇后帝。漢歷世二十有四，踐年四百二十有六，四海困窮，王綱不立，五緯錯行，靈祥竝見，推術數者，慮之古道，咸曰爲天之厯數，運終茲世。凡諸嘉祥，民神之意，比昭有漢數終之極。魏家受命之符，漢主曰神器宜授于臣，憲章有成，致位于丕，丕震畏天命，雖休勿休。羣公庶尹，六事之人，外及將士，洎于蠻夷君長，僉曰天命不可曰辭，拒神器不可曰久。曠羣臣不可曰無主，萬機不可曰無統。丕祗承皇象，敢不欽承，卜之守龜，兆有大橫，筮之三易，兆有革兆。謹擇元日，與羣寮登壇，受帝璽綬，告類于爾大神，惟爾有神，尙饗永吉。兆民之望，祚于有魏世享。

魏志文帝

純注引獻帝傳

失題

博覽羣書

書鈔十二引魏文集

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷七終